

# Kab Mob Haemophilus Influenzae Hom B (Hib)

(Haemophilus Influenzae Type B (Hib))



*Kab mob haemophilus influenzae hom B (Hib) yog ib tug kab mob uas tuaj yeem ua rau muaj kev kis tau ntau hom kab mob sib txawv. Kev kis kab mob tej zaum yuav tsis ua rau muaj mob loj, kev muaj mob rau ntawm pob ntseg, los sis tuaj yeem ua rau muaj kev phom sij txog qib tag lub neej txoj sia rau cov me nyuam yaus hnuv nyoog qis dua 5 xyoos. Hib yog ib qho kab mob uas nquag ntsib tshaj plaws hauv kev kis kab mob loj tshaj plaws rau cov me nyuam yaus. Vim yog muaj kev txhaj tshuaj tiv thaiv kab mob Hib ntau mus thoob rau txhua qhov chaw, thiaj li ua rau kev kis kab mob muaj tsawg leej heev uas tau tshaj tawm hauv txhua xyoo.*

## Nws sib kis li cas?



- ▶ Cov kab mob Hib feem ntau nyiam nyob hauv tus neeg lub qhov ntswg thiab lub caj pas yam tsis muaj teeb meem tshwm sim. Muaj qee zaus, cov kab mob tuaj yeem kis tau mus rau lwm qhov ntawm lub nruab nrog cev thiab ua rau muaj mob tau.
- ▶ Cov kab mob Hib kis tau los ntawm txoj hlab ua pa. Thaum cov neeg mob hnoos los sis txham, cov hlab ua pa me nrog cov kab mob yuav raug tso tawm ua rau cov neeg nyob ib puag ncig tuaj yeem nqus tau cov pa ntawd mus rau hauv lawv lub nruab nrog cev.

## Cov yam ntxwv mob thiab cov tsos mob yog dab tsi?



- ▶ Cov tsos mob ntawm tus kab mob Hib yuav muaj xws li ua npaws, nkees, ntuav, thiab mob caj dab. Lwm cov tsos mob nyob rau feem twg ntawm lub nrog cev uas kis tus kab mob.
- ▶ Cov tsos mob ntawm **cov tawv npog paj hlwb**, uas kis tus kab mob ntawm lub paj hlwb thiab tus txha nruab qaum, muaj xws li:
  - ▶ Ua npaws
  - ▶ Caj dab txhav
  - ▶ Mob taub hau
  - ▶ Xav tsis tawm
- ▶ Cov tsos mob ntawm **mob ntsws o**, mob ntsws, muaj xws li:
  - ▶ Ua npaws los sis ua daus no
  - ▶ Hnoos
  - ▶ Ua pa ceev los sis ua pa nyuab
  - ▶ Mob hauv siab

## Ntsuam xyuas thiab kho nws li cas?



- ▶ Hib raug kuaj pom los ntawm kev kuaj hauv chaw tshawb fawb uas muaj cov piv txwv los kuaj xws li kuaj ntshav, cov kua dej txha caj qaum, los sis lwm yam dej hauv lub nruab nrog cev.
- ▶ Tus kab mob Hib tuaj yeem kho tau zoo los ntawm tshuaj tua kab mob.
- ▶ Cov neeg muaj tus kab mob Hib tej zaum yuav tau tu xyuas tom tsev kho mob saib seb tus kab mob ntawd loj npaum li cas.

## Yuav tiv thaiv tau nws li cas?



- ▶ **Txoj hauv kev zoo tshaj los tiv thaiv tus kab mob Hib yog kev txhaj tshuaj tiv thaiv xwb.** Cov tshuaj txhaj tiv thaiv uas muaj kev nyab xeeb thiab muaj txiaj ntsig zoo ntawm kev tiv thaiv tus kab mob Hib.
- ▶ Pom zoo kom muaj kev txhaj tshuaj tiv thaiv kab mob Hib rau txhua cov me nyuam yaus hnuv nyoog qis dua 5 xyoos. Cov tshuaj txhaj tiv thaiv kab mob yog muab rau cov hnuv nyoog 2 lub hlis, 4 lub hlis, thiab 6 lub hlis thiab ib koob tshuaj yog muab rau cov hnuv nyoog 12-15 lub hlis.
- ▶ Yog tias koj tus me nyuam tsis tau txhaj tshuaj tiv thaiv tus kab mob Hib thaum tseem yog me nyuam mos, thov tham nrog tus kws kho mob.

